

Հ. Նալբանդյան

ԱՐԱՐՆԵՐԻ ՀԱՐԿԱՅԻՆ ՔԱՂԱՔԱԿԱՆՈՒԹՅՈՒՆԸ ՀԱՅԱՍՏԱՆՈՒՄ
(640—862)

Արարների հարկային քաղաքականությունը ենթարկվել է մի շարք փոփոխությունների, ըստ հարկերի տեսակի, քանակի կամ դանձման եղանակի: Գարեկի է նշել հինգ գլխավոր ժամանակաշրջան:

1. Արարական թարգմանքներից մինչև Մուավիայի դաշնագիրը (640—652), որը պատահական հարկատվության շրջանն է:

2. Մուավիայից մինչև Արդ-ուլ-Մելիքի խալիֆայությունը (652—686), որը համեմատաբար թեթև հարկատվության շրջանն է:

3. Արդ-ուլ-Մելիքից մինչև Հեշամի խալիֆայությունը (686—724), որը հարկերի հետեղական ծանրացման շրջանն է:

4. Հեշամից մինչև Օմայան գինաստիայի վախճանը (724—750), որը միօրինակ չէ, այլ փոխվել է քաղաքական դեպքերին համապատասխան: Առաջին շրջանի համար բնորոշ է ծանր հարկապահանջությունը իսկ վերջին տասնամյակի համար՝ ժամանակավոր թուլացումը:

5. Արաբյանների շրջանը (750—862) ընդհանուր առմամբ բնութագրվում է ծանր կեղեքումներով, բացառյալ 820—847 թթ., որը հանգիստնում է իշխանության թուլացման, հարկերի թեթևացման քաղաքականության կիրառման շրջան:

1. Արաբական արշավանքներից մինչև Մուավիայի դաշնագիրը

Այս առաջին շրջանում հայերից դանձվող հարկը ընդհանուր առմամբ համարվում է արարների կողմից տրված կյանքի և գույքի երաշխավորության փոխարեն հատուցվող գումար: Այդպիսի տուրք վերցնում էին արարներն իրենց գրաված բոլոր գավառներից, երբ հաշտություն էր կնքվում տվյալ գավառի կառավարչի հետ, և բոլոր քաղաքներից, երբ հաշտություն էր կնքվում տվյալ բնակիչների հետ, անջատ՝ մյուս գավառներից կամ քաղաքներից: Դաշնագրի բանաձևը գրեթե ամենուրեք նույնն էր. վճարված հարկի փոխարեն ապահովվում էր բնակիչների կյանքը, գույքը, կրոնը, առևտուրը, քաղաքի պարիսպները: Երաշխավորումը այստեղ երրորդ անձի կամ թըշնամու գեմ չէր, այլ մուսուլմանական օրենքով կարելի էր որոշ տուրքի փոխարեն հպատակվող սգրքի մարդկանց՝ կյանք շնորհել: Տիրապետողը երգմամբ հանձն էր առնում ոչ մի վնաս չպատճառել նրանց անձին, ստացվածքին ու հավատքին, որքան ժամանակ որ տուրքը վճարվում էր: Ըստ էության այդ հարկը կարելի է համարել փրկագին:

Այս հարկը արարները կոչում են ճիզիա՝ կամ թխարաջ: Արարերեն այս երկու բառերը, սկզբնական շրջանում, ընդհանուր առմամբ, նշանակել են տուրք կամ գլխահարկ: Զիզիան ավելի գործածական էր Ասորիքում,

խակ խաբաթը՝ Իրաքում և Պարսկաստանում: Հետագայում, երբ գլխահարկի եկամուտների նկատմամբ և խալիֆայական պետական բյուջեի կանոնափոխման համար սահմանվեց հոդային տուրքը, ջիզիան մնաց հատկապես գլխահարկի համար, իսկ հոդային տուրքը կոչվեց ձխաբաթ:

Բացի փոխադարձ համաձայնությունից՝ ճշտված և վճարված փրկահարկից, արշավող բանակները վերցնում էին նաև պատերազմական ավար Եղանիմա՝ որը մուսուլմանների մաս եղել է պարտվողներից վերցվող դրվ՝ խափար հասույթով, զրա համար էլ հարկային առաջին կանոնը Կուրանում (VIII, 42) վերաբերում է այդ եկամտի հատկացմանը:

Մեր պատմիչներն այս հարկի մասին չեն խոսում, արաբացի պատմիչներն են, որ հիշատակում են հպատակությունն այն զաշնադրերը, որոնք կնքվել են գրավված քաղաքների հետ: Բնչ վերաբերում է տուրքի քանակին, այդ մասին, հատկապես Հայաստանի համար, արաբացի պատմիչների մաս սրուշ տեղեկություն չկա, բայց սրավհեռն սովորաբար գլխահարկը 1—4 սակի գինար էր լինում, և ինչպես Բեյազարին և Տարարին են վկայում, Թիֆլիսի ու Կովկասի մի շարք այլ քաղաքների բնակիչները վճարել են մեկ գինար տուրք, ուստի ախալ չէր լինի զրանից հետեցնել, որ Հայաստանի քաղաքների բնակիչներից էլ մեկական գինար է վերցվել:

Հայաստան արշավող առաջին զորականները՝ Իյադ-Իրն-Ղանեմը և Հարիր-Իրն-Մասյուման նման մի շարք զաշնադրեր են կնքել Հայաստանի գավառների և քաղաքների հետ:

Առաջին շրջանում, երբ տիրապետությունը վերջնական ու լրիվ չէր, կազմակերպված փարչաձև զոյաթյուն չուներ, պատերազմական գործողությունները հրոսակային արշավանքներ էին, տուրքը կարող էր լինել միայն միանվագ և ժամանակավոր, ուստի հասկանալի է, որ այն չէր կարող ունենալ ո՛չ տնտեսական և ո՛չ էլ քաղաքական մեծ կշիռ: Ընչաքաղց հրոսակախմբերին, անշուշտ, գերիներն ու ավարը ավելի շահավետ էին ու ավելի անմիջական արդյունքներ կտային:

Բացի զրամական տուրքից, քրիստոնյա հպատակները ստանձնում էին զաշնադրով մի շարք պարտավորություններ, ինչպես օգնել խորհրդով մուսուլմաններին, նրանց պատապարել մի գիշեր, տալ նրանց կրոնով չարգելված կերակուր (այսինքն՝ ոչ խոզի միս, ոչ գինի)՝ բնկերանալ նրանց մինչև մերձակա կայանը:

2. Մուավիայի դաշնագրից մինչև Աբո-ուլ-Մելիքի խալիֆայությունը

Այս շրջանը սկսվում է Թեադորոս Թշտունու և Ասորիքի կառավարիչ Մուավիայի միջև 652 թվականին կնքված զաշնադրով: Սրանով, քաղաքական հպատակություն հայտարարություն հետ սկիզբ է դրվում կանոնավոր հարկատվության: Բաշնադրի հարկային պայմանը համեմատաբար թույլ է. զոչ ստանում ի ձեռք սակ գերբեամ մի, ապա յայնժամ առջիք երդմամբ սրչափ և դուք կամի՞ք (Սերէոս, էջ 224):

Ուրեմն հարկի սակը թողնված էր հայ իշխանների հայեցողությամբ: Այն դաժարը, որը սրուշվել է հայ իշխանների համաձայնությունից, եղել է 500 սակի գինար, ինչպես վկայում է Ղեանդը. խոսելով մի քանի տարի

անց Գրիգոր Մամիկոնյանի և Սմբատ Բագրատունու Դամասկոս պատանդ տարվելու մասին, նա գրում է. «Եւ տարեալ զնոսա առ իշխանն տաճկաց Մուււիա, հատին ի վերայ աշխարհիս հայոց հարկս 500 դահեկան ի միում ամի հատուցանել նոցա և աներկիւղ մնալ ի բնակութիւնս իւրեանց» (Ղևոնդ, էջ 33):

Երբ Մուււիան դարձավ խալիֆա և հայ իշխանների ու ներսես III Շինոդ կաթողիկոսի գլխավոր և հպատակության ակտով Գրիգոր Մամիկոնյանը Հայաստանի իշխան կարգվեց, խալիֆան վերահաստատեց նույն հարկը՝ «Եւ կացոյց Մաւի իշխան հայոց զԳրիգոր Մամիկոնեան և եղ հարկս հայոց Շ (500) դահեկան» (Վարդան, էջ 68):

Հարկի այս քանակը Մուււիայի հաջորդ Եղիգ I խալիֆայի ժամանակ էլ մնաց նույնը՝ «Եւ նա վարեաց զաշխարհս հայոց ի նոյն սակ հարկի» (Ղևոնդ, էջ 34):

Այս ժամանակաշրջանում, ուրեմն, հարկը եղել է մեծ մասամբ գրամական և վճարվել է միանվագ Հայաստանի իշխանի կողմից, առանց միջնորդի:

Եղել են այս տուրքից դուրս ուրիշ տուրքեր կամ պարտավորություններ: Սամ. Անեցին հիշատակում է ինչ որ Մահմեդի տրված մի շարք տուրքեր. «Եւ անմոռաց երգմամբ կնքեաց մուրհակ հայոց աշխարհիս համարձակ ունել զքրիստոնէութիւն, և վաճառեաց նոցա զհաւատս նոցա, յամենայն տանէ առեալ Ի գրամ, և Գ մոթ խորրալ և ձիատօսպրակ մի և պարան մի մաղէ և ձեռնարար մի» (Սամ. Անեցի, էջ 82):

Այստեղ ճշտված չէ ոչ թվականը և ոչ Մահմեդի ով լինելը: Տեքստից երևում է, որ ակնարկը վերաբերում է նույն ինքն մարդարեին՝ մինչդեռ հարկի տեսակը բոլորովին տարբեր է մյուս աղբյուրների հիշատակածից, տրված է բոլորովին տարբեր ձևով, այսինքն՝ առավելագույն գրված հարկի և բնատուրքի վրա: Ծիշտ կլինեն հետևյալը, որ Սամ. Անեցու հիշատակած խիստ հետաքրքիր տեղեկությունը վերաբերում է հաջորդ շրջանին, այսինքն՝ Արդ-ուլ-Մելիքին, երբ հարկերը ծանրացան:

3. Արդ-ուլ-Մելիք խալիֆայից մինչև Հեշամը

Արաբական խալիֆայության քաղաքական վարչական կյանքում և հարկային քաղաքականությունում մեջ մի նոր շրջան է սկսվում Արդ-ուլ-Մելիքի գահ բարձրանալուց հետո՝ նրա իշխանություն սկզբի տարիներին տեղի ունեցավ Արդիլահ Իբն Ալ-Ջուրայրի ապստամբությունը, որը մեծ դժվարություններ ստեղծեց խալիֆաթի ներսում: Դրանից օգտվելով, 681—682 թթ. հայերը, ինչպես և մյուս հպատակ ժողովուրդները փորձեցին ապստամբել: Իսլավոթին գրում է. «Բրն Ալ-Ջուրայրի խռովության ժամանակ հայոց ազատանիններ և նոցա ծառաներ վտարանջեցան և բնակիչք ապստամբեցան» (Բելադ, էջ 54): Ղևոնդը գրում է. «Ի ժամանակի պատերազմին, որ ի մեջ տաճկաց, զադարեցին ի հարկատուութենէ նոցա հայք, վիրք, ազսւանք» (էջ 35):

Հարկատվության դադարումը փաստորեն նշան էր ապստամբության.

¹ Օգտագործում եմ Խալիֆյանցի թարգմանությունը:

որը տեղում է երեք տարի և որից հետո խաղաղներն էլ, անպաշտպան գրու-
նելով Կովկասյան սահմանագլուխը, արշավում են Հայաստանի վրա և Գրի-
գոր Մամիկոնյանն սպանվում է նրանց գեմ կովելիս¹։

Երբ Արդ-ուլ-Մելիքը զսպում է ներքին խռովությունները և վերահաս-
տատում իշխանությունը, ձեռնարկում է պետական ապարատի հիմնական
վերակառուցմանը։ Պետականության ամրացման հիմքերից գլխավորը լինելով
ֆինանսական սխտեմի կարգավորումը, Արդ-ուլ-Մելիքը այդ ուղղությամբ
կատարում է կարևոր կարգադրություններ։ Արարներեն լեզվի պետական
լեզու դարձվելը, քրիստոնյաների հանդեպ խստությունների սաստկացումը,
արարներեն վերատառությունում նոր դրամանիշների ստեղծումը, որով խըզ-
վում էր բյուզանդական դրամանիշներից կախումը և մի շարք այլ միջո-
ցառումներ՝ բնութագրական են նրա գործունեության համար։ 7-րդ դարի
վերջերին խալիֆայական հողերի սահմանները ընդարձակվելով հասնում են
Հնդկաստանից մինչև Իսպանիա։ Դրամի անընդհատ ավելացող կարիքը մեծ
կրիզիսներ է ստեղծում առևտրի բնագավառում և գանդակեցնում պետա-
կանության ձևավորման պրոցեսը։ Եկամուտները մնացել էին գլխահարկի
սխտեմի վրա, այնպես ինչպես Օմար I-ի օրով էր։ Ավելին, հպատակ բնա-
կիչների մասնաշաղկապի խալամացումը պակասեցրել էր ջրգիւյից առաջա-
ցած եկամուտը։ Պետության ղեկավարներն այն աստիճան էին մտահոգվել
դրանից, որ մինչև անգամ արգելում էին հպատակների կրոնափոխու-
թյունը։

692 թվականին Արդ-ուլ-Մելիքը աշխարհագիր կատարեց խալիֆայու-
թյան սահմաններում, հաշվի առնվեցին ոչ միայն մարդիկ, այլև անասուննե-
րը, ծառերը։ Աշխարհագրից հետո նա հաստատեց «Տագիլ»² կոչված տուրքի
ձևը, որը ծանրացնում էր գլխահարկը։ Նա ընդհանրացրեց նաև հողային
հարկը՝ լիսարաջը՝ նորահաստատ տուրքերի դանձումը առիթ տվեց ամենա-
կեղեքիչ հարկահավաքության, բռնությունների, որոնց ուղեկցում էին
քաղաքական հալածանքները։

Հավանական է, որ Սամուել Անեցու հիշատակած հարկերը վերաբերում
են Արդ-ուլ-Մելիքի ժամանակաշրջանին։ Եթե այդպես է, կնշանակի ա-
մեն երգից չորս գիրհեմ գլխահարկ էր վերցվում։ Կերցվում էր նաև բնա-
հարկ, այսինքն՝ ցորեն, պարան, ձիատուրակ և ձեռնոց՝ բանակի կարիք-
ների համար։ Եվ որովհետև գլխահարկի եկամուտը չէր կարող բավարարել
բազմապատկվող ֆինանսական պահանջները, իսկ գլխահարկն առավել
չորս գիրհեմ միայն կարող էր լինել³, ուստի հարկերը սկսեցին ծանրանալ
հողերի վրա։ Արդ-ուլ-Մելիքի օրով էր, որ «լիսարաջն» ու «ջրգիւյան» անջատ
խմաստ ստացան, առաջինը բացառապես հողային տուրքի, երկրորդը՝ գլխ-
ահարկի նշանակությամբ։

¹ Տե՛ս С. Т. Еремян, Монсей Каланкатуйский о посольстве албанского князя Вараз-Трдата к хазарскому хакану Алп-Иметверу, „Записки Института востоковедения Академии наук СССР“, т. VII, М. — Л., 1939, стр. 129—155.

² Նշանակում է հալածարություն։

³ Ջրգիւյան վճարում էր պատանեկությունից դուրս եկած ամեն մի գիւմի չորի երե-
սի վրա ածելի է անցել։ Այդ տուրքը վճարելուց ազատվում էին երեխաները, կանայք,
մուրացկանները, կույրերը, անպորժները, կրոնավորները, որոնք վանքերի մեջ են ապրում
ազորմությամբ և ծովապահները։

Պատմական փաստերը ցույց են տալիս, որ տուրքերի կանոնավոր դանձումը որոշված ձևով չի բավարարել տիրապետողներին, հետևարար հարկահավաքներն իրենց գնդերով գլխավորված էին կողոպուտի և բռնադրաման անսանձ միջոցներով։ Հատկանշական է Ղևոնդի ավանդած դրվազը Վարդանակերտի կողմի մասին։ Երբ Արդ-ուլ-Մելիքի կողմից ուղարկված պատժիչ արշավախմբի ղեկավարը հետապնդում են հայկական ղորքերին, սրանք պատգամ են ուղարկում արարական ղորքին ասելով. «Ընդհար պնդեալ դայք ղղնի մեր, ղլճնչ ինչ մեղաք ձեզ. ահաւաղիկ երկիրդ մեր առաջի ձեր է. ձեզ տուեալ եմք ղրնակութիւնս մեր, դայգիս մեր և ղանտառս և ղանդաստանս մեր, արդ ընդհար և ղանձինս մեր խնդրէք» (Ղևոնդ, էջ 45)։

Արդ-ուլ-Մելիքի ժամանակ վճարված գլխահարկի համար հիմք էր ընդունվում դեռ երգը։ Երգահարկը, ինչպես նշվել է քանիցս, իր սոցիալ-տնտեսական հետևանքներն ունեւր։ Երգերի թիվը չէին ավելացնում տուրքը չծանրացնելու համար. ընտանիքները չնայած մարդկային բնական աճին, չէին բաժանվում, մնում էին մի հարկի տակ՝ իբրև նահապետական մեծ զերդաստան։ Պատահում էր նույնիսկ (և այդ երևում է խալիֆաների կողմից այդ բանի դեմ հրատարակված արգելափակում), որ մի քանի երգեր միանալով կազմում էին մի միասնական երգ, մի հարկային միավոր։

Արդ-ուլ-Մելիքի ժամանակ հայկական հեծելազորը շարունակում էր ստանալ պետական ոռճիկ (Հովհաննես կաթողիկոս, էջ 124, Ղևոնդ, էջ 56). տուրքից ղերծ էին մնում աղնվականությունը, աղատանին և եկեղեցականությունը։

Հարկային խստությունները և հալածանքները շարունակվեցին մասնավոր Մահմեդի ոստիկանության ժամանակաշրջանում, երբ Կասիմը (Կաշմ) Հայաստանի փոխ կառավարիչ նշանակվեց։ Նրա ժամանակ հայ իշխաններից էլ էին պահանջում նրանց մթերած ոսկու և արծաթի դանձերը «Եւ նոքա առ փտանդի նեղությանն ղրաղում մթերս դանձուցն իրեանց, ղորս ի պահեստի եղեալ էին յերեսաց նեղչացն ի ծովու և եթէ ի ցամաքի, տային ի ձեռս թշնամեացն ղի թերևս ապրեցուսցեն ղանձինս իւրեանց» (Ղևոնդ, էջ 57)։

Այս խստությունները մեղմացան, երբ Վալիդ խալիֆան ժամանակավորապես Արդ-ուլ-Ազիզին ոստիկան նշանակեց։

4. Հեշամ խալիֆայից մինչև Օմայան ղինաստիայի վախճանը

Այս ժամանակաշրջանը, որի տևողությունն է մոտ քառորդ դար, ընդգրկում է երկու շրջան. դրանցից առաջինը տևում է մինչև Մրվանի ոստիկան դառնալը։ Այս շրջանի համար բնորոշ է հարկերի հետզհետե սաստկացումը. երկրորդ շրջանը տևում է Մրվանից մինչև Օմայան ղինաստիայի անկումը, երբ քաղաքական պատճառների իբրումով նկատվում է հարկային քաղաքականության թուլացում։

Հեշամ խալիֆայի ժամանակ (724—742) հարկային քաղաքականությունը ենթարկվում է փոփոխության։ Հեշամը «էր նեղիչ և հարկապահանջ» ասում է Միսայել Ասորին։ Նա իր պահակալության առաջին տարվանից սկսած (725) հրամայեց ընդհանուր աշխարհադիր կատարել խալիֆաթի սահմաններում, այդ թվում և Հայաստանում։ Հաշվի են առնվում ոչ միայն բնակիչները, այլև նրանց ստացվածքը և այդ հիման վրա հաստատ-

վում են հարկային նոր ու ավելի ծանր օրենքներ: Ղևոնդ պատմիչը գրում է. «Առաքելը դոմն գորավար, որում անուն էր Հերթ՝ աշխարհագիր առնելը բնդ աշխարհա Հայոց վասն ծանրացուցանելոյ զանուր լծոյ ծառայութեան հարկատրութեան ազգի ազգի չարեօք» (էջ 130):

Ասողիկն իր կարգին գրում է. «Սա ծանրացոյց զսակ հարկի աշխարհիս հայոց» (էջ 128):

Կաղանկատուացին գրում է. «Իսկ ի հարիւր ևօթանասուն և չորս թուականութեանն հայոց, յամառն մահ անասնոց ևղև, և ի ձմերան աշխարհագիրն Հերթի, որ էարկ պմարդ և զանասուն և զսահմանս ևրկրի բնդ՝ հարկավ անթիւ ծառայութեան» (էջ 368):

Այս վկայությունից երևում է, որ գլխահարկը արդեն պահանջվում է անձերից¹, հողային հարկն էլ է մտնում ուժի մեջ: Այս վերջինի հիմքն է հանդիսանում հողի չափը և որակը. սա «Խարաջ ալ միսահա» ձևն էր², իսկ թե ինչքան հարկ էր վերցվում մասնավորներից կամ բնդհանուրից, ինչպիսի ծառայություններ էին պահանջվում Հայաստանից, այդ մասին պատմական վկայություններում որոշակի փաստերի չենք հանդիպում: Հայտնի չէ նաև թե նախորդի համեմատությամբ ինչքան են ծանրացել հարկերը:

Այս ժամանակաշրջանում քաղաքական հայաժանքները սաստկացած լինելով հարկային զանձումների ուղեկցում են գույքի բռնադրավումներն ու կեղեքումները: Միայն հարկերը չէին, որ ծանրանում էին ժողովրդի վրա: Բացի հարկերի ծանրացումից, արտահարկային հափշտակություններից, ժողովրդի տնտեսությանը ծանր հարված տվեց խոզասպանությունը, որի հետևանքով ժողովուրդը զրկվեց իր ապրուստի և եկամտի կարևոր մի միջոցից: Հափշտակությունների թվին էր պատկանում նաև հանքերի և ծովի սևփականացումը և մենաշնորհը արարների կողմից: Խոռոչով Վանա ծովի մասին, Իբն - էլ - Աթիրը գրում է. «Մուհամեդը արգելեց ծովակում որսալ և նրա վրա նշանակեց մի մարդ, որ նա որսա և վաճառի՝ ստանալով նրանից գինը: Ապա այդ իրավունքն անցավ նրա որդի Մրվանին (Իբն - էլ - Աթիր, էջ 130):

Այլ միայն ինքը՝ խալիֆան, այլև նահանգների կառավարիչներն անսանձ փող էին հավաքում և որոնում էին հարստանալու միջոցներ:

Օմայյան գինաստիայի ամբողջ ժամանակաշրջանում հայոց գորքի տարեկան ոտճիկը վճարում էր խալիֆան: Հեշամի ժամանակ երեք տարի զադարեցվեց այն, բայց Աշոտ իշխանի գիմումի վրա՝ ոտճիկը վճարվեց:

Մրվան ոստիկանը, որ հայերի նկատմամբ այնքան դաժանություններ կիրառող Մահմեդի որդին էր, քաղաքական սերտ հարաբերություններ մշակեց Բագրատունիների հետ: Նրա ժամանակ հարկային խստությունները որոշ չափով թեթևացան: Երբ Մրվան 11-ը խալիֆաթ գարձավ (744—750),

¹ Զիյիայի երեք ձևերից ամենախիստն էր սա. ուրեմն ամենաթեթև հավաքական գլխահարկից (մուկատա) անցել էր երգահարկին և ի վերջո անձ գլխի (ալ-ոուուս ար ոիդալ)

² Խարաջի մի ուրիշ ձևն է «Խարաջ ալ մուկատսամա» կոչվածը, որը նկատի էր առնում բերրի տեսակն ու քանակը՝ առանց հաշվի առնելու հողի տարածությունը կամ որակը:

նա սկսեց զգուշանալ Հայաստանի հանդեպ խիստ քաղաքականություն փութելուց՝

5. Աբասյան դինաստիայի շրջան

Այս շրջանն սկսվում է 750 թվականից, նմայան վերջին խալիֆայի Մրվան Վ սպանությունից և Աբուլ Աբասի խալիֆա դառնալով։

Այս շրջանը կարելի է բաժանել երեք էտապի, որոնք հատկանշական են քաղաքական պատճառների հետևանք հանդիսացող տնտեսական վիճակի ժամանակավոր մեղմացումով կամ սաստկացումով։

Առաջին էտապը, որը տևել է մինչև ՎX դարի առաջին քառորդը, հատկանշական է ամենածանր հարկային կեղեքումներով։ Երկրորդ էտապը տևել է մինչև Մուտափաթիլի գահակալությունը, այսինքն՝ մինչև 848 թվականը, երբ խալիֆաթը՝ ներքին պառակտումների, կրոնական գիմակի տակ քաղաքական և սոցիալական ապստամբությունների թափարակմ հանդիսանալով, թուլանում է կենտրոնական իշխանությունը։ Այս շրջանը հատկանշական է ճնշումների մասնակի թեթևացմամբ։ Երկրորդ էտապը բռնի հարկերի և հալածանքների նոր շրջան է և տևում է մինչև 662 թվականը։

Աբասյանների գինաստիան Սորաանի և Պարսկաստանի խոշոր հողատերերի և առևտրականների շահերին ծառայող մի քաղաքական կազմակերպություն էր։ Բազմազի արքանիքն իր մեծ ծախսերը բախարակում համար նորանոր եկամուտներ է պահանջում։ Թյուրքական վարձկան զորքավորները խլում են եկամուտների խոշորագույն մասը, իսկ եկամուտները նվազում են զանազան պատճառներով։ Նահանգների ազդեցիկ կառավարիչները հարկերի մեծ մասը յուրացնում են և չեն մուծում պետական գանձարանը։ Բարձր գիրքի տեր անձնավորությունները կաշառքով և առևտրական ու հանքային մենաշնորհներ յուրացնելով մեծամեծ հարստություններ էին ձևավորում¹։

Մյուս կողմից՝ Աբասյանները, զրկվելով խալիֆաթից անջատված Աֆրիկյան երկրների եկամուտներից, հարկային ամբողջ ծանրությունը կենտրոնացնում էին Արևելյան հահանգների վրա։ Այսպես, ըստ Կոդամայի ցուցակի, Մուտափիլի (833—842) ժամանակ պետական սոց եկամուտը 388 միլիոն գիրնեմ էր, իսկ հաջով երկու տասնյակ տարի հետո՝ Մուտափաթիլի (847—861) ժամանակ այդ եկամուտը ավելի քան կրկնապատկվեց և բարձրացավ 960 միլիոնի։ Աբասյանների հարկային բռնությունների մասին արտահայտվել են մեր պատմիչները, սկսած հենց առաջին խալիֆայի՝ Աբուլ-Աբասի ժամանակվանից, երբ նա իր կղերքը՝ Աբու Զաֆար Ալ-Մանսուրին ուղարկեց Հայաստան, որը ճրագում վշտոք և նեղություն էր փառնգել՝ դամենեոսին և հատուցանել ի չքառորություն անանկություն մինչև պահանջել հարկա և ի մեռելոցն... Սոչտանգել և զրնակիչս աշխարհիս բռնագոյն և գառն հարկապահանջութեամբ առնուլ ըստ գլխոյ բազում դուղէս²։

¹ Երբ հարուն խալիֆան սպանեց Բարմեթյանների սկտին և գրամեց նրա ստացվածքը, 30 միլիոնից ավելի փող կար նրա գրամարկղում։ Բացի ազարակներից, ապրանքներից և զոհարեղեններից։

² Զուգ. քաղցեական անուն, առերեքն ժող, որը նշանակում է գիրնեմ = 10 կոպեկ ոսկե գրամ կամ 40 սանտիմ։

արծաթոյ, գնել կնիք կապարեայ¹ յամենեցուն պարանոց» (Ղևոնդ, էջ 158—159)։

Ղևոնդի վկայութիւնից երևում է, որ ոչ միայն հարկերն են ծանրացել, այլև գլխահարկի գանձման ձևն է փոխվել և փոխանակ երդի՝ գանձվել է ըստ անձի, որը նոր ճնշումների, խոշտանգումների առիթ է տվել։ Նույն ձևով է արտահայտվում Ասողիկը. «Եւ առաքէ զեղրայր իւր զմիւս Արդլայ՝ շրջել ընդ ամենայն աշխարհս իւրոյ իշխանութեան առնուլ հարկս ի կենդանեաց և ի մեռելոց՝ ըստ մարդաթուի» (էջ 135)։

Գանձակեցին գրում է. «Սա բազում չարիս անցոյց ընդ աշխարհս Հայոց հարկապահանջութեամբ և յափշտակութեամբ և այնքան նեղեացն մինչև զմեռելոցն ի կենդանեացն պահանջել զհարկս և հատաւ գիւտ արծաթոյ յաշխարհէս Հայոց» (էջ 67—68)։

Արասյանների իշխանության գլուխ անցնելուց անմիջապես հետո, Կոստանդին Ծ-րդ Կոպրոնիմոս կայսրը գրավեց Կարինը և ավերեց պարիսպները։ Ալ-Մանսուրը հրամայեց Եղիզ ոստիկանին՝ վերաշինել քաղաքը, «Իսկ ի գալ միւսոյ ամին կազմեալ Եղիտն զգօրսն որ ընդ ձեռամբ իւրով երթայր. հասանէր ի քաղաքն Կարնոյ և արկանէր մարդահարկ ի վերայ աշխարհին, և հաւաքեալ զբազմութիւն անթիւ, կացուցանէր գործավարս ի վերայ գործոյն, և փոյթ յանձին կալեալ շինէր զխրամատեալ պարիսպ քաղաքին։ Եւ ածեալ արս յորդոցն Իսմայելի բնակեցոյց ի նմա նոցին ընտանեօք պահել զքաղաքն և զգուշանալ ի թշնամեացն։ Եւ կարգեաց նոցա պատրաստութիւն կերակրոց յաշխարհիս Հայոց» (Ղևոնդ, էջ 161)։

Ղևոնդի այս տողերից երևում է, որ եղել է երկու տեսակ հարկ՝ աշխատահարկ և պարենատուրք²։

Արասյան Զ-րդ խալիֆայի, Ալ-Մանսուրի ժամանակ, հարկերը ավելի են ծանրանում։ «Զսոյն ժամանակս ի հրամանատարութեան Եղիտի և յիշխանութեանն Արդլայի միւսոյ, յոյժ ծանրացաւ անուր լծոյ հարկապահանջութեան ի վերայ աշխարհիս Հայոց... Յորմէ փախստեալ եղեալ բազումք ի յայրս և ի փապարս երկրի զօղեալ թագչէին։ Եւ ոմանք ձիւնահեղձ և գետավէժ լինէին փասն անտանելի աղետիցն. զի ոչ էր գիւտ զոր հայցէին գտանել պահանջումն սակի արծաթոյն, այլ ըստ գլուխս արանց, որովք թափուր մնացեալք յամենայն ստացուածոց՝ կապէին կապանօք տնանկութեան երկիրս Հայոց, և առհասարակ ճաշակէին ի հնոցէ աղքատութեան նախարարք և մեծամեծք» (Ղևոնդ, էջ 166, 167)։

Մխիթար Այրիւմանեցին 758 թվականի տակ գրում է բռնի հարկերի կապակցութեամբ «և հատան յամենայն աշխարհէ ոսկի և արծաթ» (էջ 52)։

Իսկոն բառերով է որակում Կաղանկատուացին «հարաւայնոցն» բռնութիւնները և «ծծել զպարարտութիւն երկրիս» (էջ 373)։

Այնուհետև՝ հարկահաւաքումը կատարվում էր ուղղակի, և ոչ թե հայոց իշխանների միջոցով։ Հովհաննէս կաթողիկոսը որոշակի ասում է

¹ Սկզբնական շրջանում սովորաբար տուրք վճարողների վրին կապարյա կնիք էր դրվում (խատամա ֆի բիրար)։ Ավելի ուշ ստացականի սխեման ընդունվեց, թվում է թե Հայաստանում կիրառվում էր հին ձևը։

² Պետք է զանազանել պարենատուրքը՝ բնատուրքից։ Առաջինը սննդամթերք է և բնորոշվում է ըստ հատկացման, երկրորդը՝ հողային և արհեստավորական արտադրութեան վրա դրված տուրք է և բնորոշվում է ըստ նկատի տեսակի։

«Ջայսու ժամանակաւ Եղիտ ոմն ոստիկան ի Հայս ամիրապետէն տուաքեալ լինէր, որ իւրեւհաս ի Նախջաւան քաղաք, ապա կուսակալս և գործակալս ըստ գաւառաց գաւառաց առաքէր» (էջ 138)։

Մի ուրիշ շատ կարևոր կետ էլ, որը վերաբերում է հարկերի դրամով հալածմանը, երևում է բերված վկայություններից։

Արարները Հայաստանից որոշ ժամանակ միայն դրամական հարկ են վերցրել։ հետագայում՝ խալիֆաթի կարիքների և պահանջների ավելացման հետևանքով վերցվել է նաև մեծ քանակությամբ լնատուրք, բայց տուրքի մեծագույն մասը դարձյալ վճարվում էր դրամով։ Այդ է պատճառը, որ դրամի սպառվելը, ոսկու և արծաթի հանքերի շահագործման ընդհատումը ծանրացնում էր հարկային բեռը և աղետներ էր պատճառում բնակչությանը, իսկ մետաղի հայտնությունը թեթևացնում էր տնտեսական տագնապն ու հարկային լուծը, ինչպես Ղևոնդն է ասում. «վասն գիւտի արաթոյն հանգեաւ երկիրս առ փոքր մի ի չար տառապանաց փտանգին. քանդի և լերինք արծաթոյ յայտնեցան յաշխարհիս Հայոց հատանել ի նոցունց դիսանութս արծաթոյ դոտոյ առ ի պէտս մարդկան» (էջ 188)։

Հայաստանում շատ տեղերում՝ չորրորդ Հայքում, Սպերում, Տայքում, Վայոցձորում, Ջորափորում արծաթի և ոսկու հանքեր կային։ Նախարարներն ունեին զիջած շատ հարստություններ ռուսի և կշիռ արծաթոյ» (Ղևոնդ, էջ 57)։ Հարկահաններն պահանջում էին անդադար տալ «մթերս ոսկւոյ և արծաթոյ» (Ղևոնդ, էջ 159)։ «Եւ նոցա մտեալ ի քաղաքն ժողովեցին ոսկի և արծաթ» (Սերեոս, էջ 243)։

Պարզ երևում է, որ ոչ միայն կտրված փող էր վճարվում, այլև ոսկի և առավելապես արծաթ՝ ձույլ մետաղ, որը տեղն ու տեղը վերածվում էր դրամի։

Փողի կարիքը (հարկերի մուծման և տուրքի պահանջների համար) ստիպում էր կառավարիչներին ստացված ձույլ մետաղը փողի վերածել։

Պետերմանը տալիս է անուններն այն ոստիկանների, որոնք 786 թվականից մինչև 825 թվականը Պարտավում կտրել են արծաթ դրամներ, որոնցից նմուշներ մնում են մինչև այսօր (Laurent — l' Arménie entr Byzance et l' Islam, էջ 340, 342, 343, 344)։

Հարկերի ծանրության չտոկալով, շատերը իրենց անձը վաճառքի էին հանում։ Սամվել Անեցին դրում է. «Այս Զաֆարս այնքան ճշդիւ ժողովեաց ի քրիստոնէից զոսկի և զարծաթ, մինչև զգերեզմանս մեռելոցն բանային և զոսկին առեալ տային ինա» (էջ 88)։

Այս բոլորը ցույց է տալիս Արասյան առաջին խալիֆաների սարսափելի հարկապահանջությունը։ Այդ անտանելի բռնությունները կատարվում էին ոչ միայն Հայաստանում, այլև խալիֆաթի բոլոր նահանգներում՝ ամեն կողմ ստեղծելով ժողովրդական սպառնալից դժգոհություններ։ Բրա համար է, որ Աբու Յուսուֆ Յակուբը «Բիտար էլ Խարաջում» էլ-Մահդի խալիֆային խորհուրդներ է տալիս մեղմացնել ճնշումը։ «Ելխահարկի գանձման օրմանակ չպետք է հարվածներ տալ հարկատուին և ոչ էլ նրան կանգնեցնել արեգակի տակ, և ոչ էլ նման միջոցառումների դիմել և ոչ էլ ֆիզիկական նոկալի տանջանքներ տալ»։

Հայ ժողովրդի 774 թ. ապստամբությունը ուղղակի հետևանքն էր այդ բռնությունների։

Միառժամանակ հարկահանութեան միջոցները մեղմացնելուց հետո, բռնութեանները վերսկսվում են Հարուն առ-Ռաշիդի իշխանութեան օրոք: Սրա կողմից Հայաստան ռզարկված Սուլեյման իրն Եղիզ իրն էլ Ասամ էլ Ամիրին՝ ամենածանր հալածանքների ենթարկվեց ժողովրդից: Սուլեյմանը իր փեսային՝ իրն-Դոկեին նշանակեց հարկահավաք՝ ամենալայն իրավունքներով: ՏԲսկ նորա դանրառնալի լծոյ ծանրութիւնն եղևալ ի վերայ մարդկան, զոր ոչ կարէին բառնալ, դի որ ինչ գտանէր ի ձեռին ուրուք հայթայթանք՝ բնդ անձին իւրոյ ոչ լինէր բաւական գնոց: Այս Սուլեյման յղէր զոմն անօրէն և վատթարագի, որդի աղախնոյ միոյ, որ էր Հոռոմ յազգէ փեսայ Սուլեյմանայ, որում անունն էր Բրն Դոկէ, որ եկևալ ի քաղաքն Դուին՝ սաստիկ դժնդակութեամբ խոշտանգէր զբնակիչս աշխարհիս հարկապահանջմամբ և հակառակ նախարարների և կաթողիկոսի թախանձանքներին, սա յղևալ բնդ կողմանս կողմանս աշխարհիս պահանջողս, և տուեալ հրաման կրկին քան զոր բառ ամին պահանջէին. ի միում վայրկենի հաւաքելս (Ղևոնդ, էջ 201): Նույն հարկահավաքը ՏՏայր կնիք կապարեայ դնել յամենեցուն պարանոցսն, և առ մի մի կնիք պահանջէր զբազում զուգայս մինչև հասանել մարդկան ի յետին տնանկութիւն յանհամբեր նեղութեանցն առ ի չարաշուք դահճէնս (Ղևոնդ, էջ 201—202): Եվ ավելացնում է յայնմ հետե ոչ ոք էր տէր բնչից իւրոց, այլ առհասարակ վարէին յաւարիս (նույն տեղում):

Նույնը վկայում է նաև Ասողիկը (էջ 133—134):

Հետո ՏԵԼ իրն Տօկլ զամենայն գանձս և զսպասո եկեղեցւոյն սպառնալեօք և ահիւ տայ բերել առաջի իւր և առնոյր որ ինչ ցանկալի թուէր անձին իւրոյ: Եւ բազում կաշառօք յաջորդի յաթոռ հայրապետութեանն Ստեփանոսս (էջ 135):

Այս հալածանքների հետևանքը լինում է այն, որ մարդիկ փախչում են իրենց հայրենիքից նրանց ստացվածքն ու անասունները տրվում են ավարի: Ուրեք կարողանում են, անցնում են Իյուզանդիա, իսկ Վիրնըլքորքն, որք մնացին յաշխարհս մեր՝ առ սաստիկ կարօտութեանն անձնատուրք եղեն ի ծառայութիւն որդւոց Իսմայիլի փայտակոտորք և ջրարերք նոցին եղեալքս (Ասողիկ, էջ 134):

Արասյանների ժամանակ զաղարեցվեց բանակի ռոճիկի վճարումը խալիֆաթի կողմից, Հայ իշխանները պարտավորվում էին տեղական միջոցներով հոգալ զորքի ծախսերը, մի բան, որը նորանոր տուրքեր էր ավելացնում բնակչության վրա: Եղիզ ոստիկանի օրով էր, որ ՏՀատաւ սակ արծաթոյն, որ գայր ամի ամի յարքունուստ զօրացն Հայոց: Եւ զհամար հեծելոցն պահանջէին յիշխանացն և հարկ լինէր ի տանց իւրեանց հանդերձել զգունդս զօրացն և զընթացս զրափաստակ աշխատութեանցն ողջ պահելս (Ղևոնդ, էջ 160):

Ինչ էր հայերի կողմից վճարված հարկի քանակը Արասյան խալիֆաների ժամանակ:

Հայկական աղբյուրները որոշ գումար չեն նշում: Նրանք, ինչպես տեսանք, գանգատվում են միայն հարկերի անտանելի ծանրութեան մասին: Ավելի կոնկրետ գեպքում հիշատակում են թե գանձված հարկերը կրկնապատկվեցին: Ավելի որոշ տեղեկութուններ տալիս են արաբական աղբյուրները: Ըստ Իրն Խալիֆունի, Ել-Մահդի և Հարուն խալիֆաների ժա-

մանակ, 8-րդ դարի վերջում և 9-րդ դարի սկզբում, Արմինիայի (Վրաստանն ու Աղվանքը միասին վերցրած) հարկը 13 միլիոն գիրնեմ էր՝ երկու հերթով վճարելի։ Այդ գումարի կեսից ավելին սոսկ Հայաստանին ընկած բաժինն էր։ Ըստ նույն աղբյուրի, հայերը վճարում էին նաև 530 բաթլ բակմ (նախշված կերպաս), տաս հազար բաթլ աղած և 10 հազար բաթլ սուրմահի ձուկ, 200 ջորի և 30 նժույգ (Իրն Խալվուն, բնագիր 1-ին, էջ 151)։

819—852 թվականներին, համաձայն Կոստանյի և Խորգազբեյի հարկային ցուցակի, Հայաստանի վճարած տուրքը 8 միլիոն էր, ինչ որ գրեթե համապատասխանում է Իրն-Խալվունի ցույց տված գումարին։

Արասյանների ժամանակ Հայաստանը վճարում էր նաև որոշ քանակությամբ այլ բնատուրք՝ 20 գորգ, 30 բաղե և այլն։ Արանք ավելի խալիֆայական արքունիքը ուղարկված նվերներ էին։ Դրանից գուրս, պատերազմի և այլ առիթներով, դանդաղ կարիքների համար վերցվում էր ռաւարի պատճառս ոռճկաց պիտոյից այրուծիուն, ասում է Թովման (էջ 159)։ Նշանակում է, հաճախ հայերը պարտավորվում էին վճարել նաև մուսուլմանական բանակի ոռճիկն ու ծախսերը։

Արարների կողմից նշանակված կառավարչի (Վալի կամ Ամիր) իշխանություն տակ հաճախ մտնում էին ուրիշ ընդարձակ նահանգներ էլ։ Ուստի ամեն երկրի համար նա նշանակում էր մի տեղապահ (Ամիր)։ հարկերի գանձման գործում սրան էլ աջակցում էին ենթատեղապահները։ Այդ պաշտոնյաներն այնպիսի գաժանություններ էին շահագործում բնակչությանը, որ վերջինս հաճախ հրապարակային ելույթներով արտահայտում էր իր դժգոհությունները։ Հայ նախարարները, մեղմացնելու համար հարկահավաքների խստությունները, նրանց տալիս էին կաշառք։ Ճիսի տոհմ նախարարացն, որ կամաւ, որ յակամայ յաճախէին տալ ընծայս ձիոց և ջորւոց և հանգերձից պատուականաց և զայլ մթերս ոսկւոյ և արծաթոյ որպէսզի կարասցեն ընուլ զբերան վիշապին, որ յարձակեալ էր ապականել զերկիրս, — գրում է Ղևոնդը (էջ 159)։ Կամ ինչպես նշում է Թովման՝ Վասպուրականի իշխանի մասին, ժառաքէ գոմանս ի մեծամեծաց իւրոց ընդառաջ նորա պատարագօք ոսկոյ և արծաթոյ և պատուական հանգերձից, համոզեալ մի ելանել յերկիրս հայոցս (էջ 183)։

Ինչպե՞ս վկայում է, թե Խալվե իրն Եղիպը հայ իշխաններից ընդունում էր ընծաներ և նրանց հետ բարեկամարար էր վարվում (էջ 63—64)։

Ինչպես ասացինք, Օմայանների գինաստիայի ժամանակ հարկերը վճարվում էին ոչ թե անհատարար, ամեն հարկատու երգի կողմից, այլ՝ հավաքարար, ամբողջ գավառի կողմից հարկը տալիս էր իշխանը։ Այս պայմաններում հարկահանները երկրի ներքը չէին մտնում, ուղղակի ժողովրդի հետ չփում չէին ունենում։ Արասյանների ժամանակ գրույթյունը փոխվեց։ Արարների անմիջական տիրապետության, հայկական ինքնավարության գրեթե ջնջման հետևանքը հանգիստացավ ուղղակի հարկահավաքությունը, որով բոնակալության լուծը անմիջականորեն կրում էր ժողովուրդը։ Այս տեղեց մինչև IX դարի սկիզբը, այսինքն՝ Հարունի իշխանության վերջը։ Այնուհետև՝ մինչև Մուտավաֆիյի իշխանության գլուխ անցնելը վերահաստատվում է ռաւարայիս գրույթյունը։ Թովմա Արծրունին վկայում է, որ երբ Մուտավաֆիյի ուղարկած հարկահանները փորձում էին

մտնել երեքի ներսը, հայ իշխանը հիշեցնում էր նրանց, իհարկե, մոտիկ անցյալի օրինակի վրա, թե ինչպես պետք է կատարվի հարկի գանձումը: «Եւ նոքա տան տանել նմա գհարկս և հասս արքունի և դարձուցանեն գհարնդ նոյն ուստի եկն» (էջ 183): Վասպուրականի իշխանը գրում է Ալայ ամիրային. «Եարդ դու յարուցեալ գհասցես ի մի քաղաքացի հայոց, որպէս օրէն է աշխարհակալաց և մենք կացուք քեզ գհասս հարկաց և հաճեսցուք դմիտս քո» (Ղևոնդ, էջ 159):

Հետևյալ կերպ կարելի է ամփոփել Արասյանների ժամանակաշրջանի էտապի հարկային վիճակը:

1. Գլխահարկը գանձվում էր ըստ տնհատի՝ մինչև 4 գինար:

2. Հողային հարկը վճարվում էր առանց որոշ հաշվի, ըստ պահանջողի ցանկության:

3. Բնահարկը եղել էր համեմատաբար նվազ ծանր:

4. Պարենտուրքը վճարվում էր մուսուլմանական ուղղամական գաղութներին, օրինակ Գարինի պահակադորին:

5. Վճարվում էր ոռճիկ՝ մուսուլման բանակին:

6. Լնդհանրաճում էր մարդահարկը, այսինքն՝ հարկի վոխարեն պետութ՛յան օգտին ձրի աշխատելու դրությունը:

Մրանց վրա պետք է ավելացնել անհաշիվ կաշառքը, կողոպուտը, բռնագրավումները և տմեն կարգի խոշտանգումները:

Հարկերի թեթևացումը տեղեց մինչև Մութավաքիլի իշխանության գլուխ անցնելը, երբ նա ծրագրեց Հայաստանի վերջնական նվաճումը: Նա սկսեց իր ծրագրի գործադրութունը՝ Հայաստան ուղարկելով մի խումբ հարկահավաքների՝ Արու Սայիդի գլխավորությամբ: Երբ նա եկավ հարկերը գանձելու, հայ իշխանները, իրենց վերջին 30 տարվա լայն առանձնաշնորհումները վտանգված տեսնելով միացան և երբ նրա կողմն անցած կայսիկ իշխան Մուսա Իրն Չուրայան մտավ Տարոնի երկիրը հարկ վերցնելու, նրա դեմ ելան հայ ֆեոդալները՝ Աշոտ Արծրունու ղեկավարությամբ: Իսկ հայտնի է, թե Յուսուֆ Ամիրայի հարկահանության և քաղաքականության նվաճողական ձեռնարկի դեմ, այս անգամ ժողովուրդն էր, որ ոտքի կանգնեց և խուժեցիները սպանեցին արար հարկահանին:

Հակառակ երկու դար տեղող հարկային ծանր ճնշումներին, ավարին ու հարստահարություններին, Հայաստանը տնտեսապես ու քաղաքականապես չկործանվեց, այլ սկսած 1X դարի երկրորդ կեսից վերականգնվեց որպես ինքնուրույն երկիր: